



華泉集一

詩

~16
1034
1

廿八



門和16
種1034
卷



華泉集總目

卷之一

詩

卷之二

詩

卷之三

疏

講義

書

卷之四

華泉集

總目

明治廿九年
九月十七日
購

書

卷之五

書

卷之六

書

卷之七

書

卷之八

書

卷之九

序

記

傳

題跋

銘

卷之十

雜著

策

箋狀

上樞文

卷之十一

告文

祭文

卷之十二

祭文

哀辭

卷之十三

碑

墓碣銘

墓表

卷之十四

墓誌

卷之十五

墓誌

卷之十六

行狀

碧城除夕

九月八日夜

謁崧陽書院

東坡冬至夜陪岳丈退軒趙公

榮順

拈杜翁韻

君子亭投壺賦詩

會話

寄趙仁叔

鎮宅

中本店曉發

訪歸樂堂愴懷有吟

翠白堂占廬字

先人周甲日述哀

訪吳克卿

載紹

貞陵齋居

將遊北關和諸友驢行韻

曉踰鐵嶺

二

月夜登樂民樓

雨中登至樂亭

寒食日登樓

方向七寶山出城口占

咸關嶺次農巖集韻

月波軒敬次三世板上韻

摩雲嶺

老德書院謁白沙李文忠畫像

北青城外見軍容有作

宣化堂陪岳丈巡相拈韻

自重冷至平邱

豆尾道中

訪李兄喬伯白崖寓居

泛波亭

合江亭次板上韻

望雪嶽

向寒溪

寒溪瀑

槽淵

永矢庵

三淵遺墟碑

水簾洞

向萬景臺

彌矢嶺

凌波臺

三日浦

七星峯日出

金欄窟

再到咸興陪巡相賦詩

濬源殿

送趙仁卿及第榮觀咸營

立春日勉姪兒

發向楓嶽宿道峯書院

蒼玉屏

禾積淵

披襟亭對月

楸池嶺

叢石

三日浦

訪九龍淵

九龍淵

歸到神溪晚向鉢淵

榆岾寺

隱仙臺

摩訶衍

毗盧絕頂

普德窟

白塔洞

長安寺

水落洞天

和呈岳丈寄示韻

直廬遇洪工部太和元變拈韻

洪僉樞章漢挽

李參奉和甫淑人挽

趙奉朝賀重晦挽

步金生履汝德基韻

和李應五著演詠松詩二

會校王考遺集鄭丈錫休有詩謹次韻

重陽

宿泉食菴夢得一絕

旺林李丈周甲後三日委往草呈一律

至日次先集韻

約窟菴遊伴自沈氏溪亭訪白蓮菴

稼村賞梅

菊里金丈樂源要借朱子大全書三

教兒不覺暴怒詩以自警

楓溪鄭丈冠其孫禹采有詩志喜追和

入城偶值上元陪仲氏出廣通橋

十一月二十六日仲氏回甲志喜

訪楓溪鄭丈謹次古軸詩韻

新舍鑿井疊步前韻

贈鄭君子平禹采

夢得上二句足成下二句

次兒輩韻

拜 弘陵令

伏觀壁間 御製 陵上虛右之地謹述感懷

海印寺東臺聽伽椰琴

紅流洞

過山寺


芳草亭次李參奉宜朝韻

病中聞兒子飲泣偶吟

鷓鴣亭謹次王考陶庵先生韻

爲迎候仲氏行往商山滯雨訪金進士煨

海印寺拈韻呈巡相李公泰永



華泉集卷之一

詩

讀小學書自警 辛巳

言行必忠信聖賢為師法歲去苟無學悲歎復何及

秋懷

秋來病起減腰圍倦枕看山繞翠微黃葉村深人不
到雀羅終日掩柴扉

次閔公紀 鍾顯韻 壬午

山色當虛牖松陰覆小溪懷君寂寥坐花落鳥空啼

幽情



故宅圓峯下身閒似隱居蛛絲披古畫蠹篆曬殘書
嶽翠當簾靜花光入戶虛幽情聊自適何必返鄉廬
逸休亭見叔氏參奉公揭壁詩次韻寓感 癸未

其二

此生多感涕舊墅坐春晴花發同誰賞空林但鳥聲

自警

人生皆性善此理本於天堯舜猶可及自強則自然

將發海州行悵然有作 岳丈趙公○乙酉
為海伯

出入將何告分張只自悲村燈鷄唱後山雪鴈過時

弟妹皆殘淚親朋有餞詩行人莫催發惜別故遲遲

宿青丹驛

一朝離翠白三日抵青丹孤枕耿無寐強披詩卷看

翠白故第堂名

碧城除夕

海鄉淹滯歲將遷爆竹家家漲夕烟畫角聲殘無夢
寐不堪羈思轉凄然

九月八日夜 丙戌

為客常多病衣裳早覺涼一年真逝水明日又重陽
白酒難成醉黃花只自香夜深開戶望霜月鴈聲長

謁崧陽書院 丁亥

苔蘚蒼蒼一院封，青袍斜日淚龍鍾。
空霑雨露王孫草，不變風霜故宅松。
萬古雲霄瞻氣像，七分圖畫識儀容。
更尋善竹橋邊去，流水聲中植短筇。

東坡冬至夜陪岳丈退軒趙公榮順拈杜翁韻

寥落東岡歲色催，羣陰剝盡一陽來。
大音已協黃鍾律，煖氣潛吹玉琯灰。
雪後初逢今夜月，山中復見去年梅。
羈蹤強欲酬佳節，攀和高篇更把盃。

北營君子亭與李國之耆永金時可履中誠道

履顯 沈景張公藝景晦公著趙安叔榮慶曾一

宗喆 子敬寅喆大而宇喆宋稚存養鼎洪履之

義綏 金可久魯永俞聖大駿柱金伯敬魯直投

壺賦詩戊子

我有青驢慣北山，皇壇松柏洞中間。
勝遊又續今春會，未至猶偷半日閒。
憑檻水聲晴聒耳，涉園花氣暖醺顏。
新詩讀罷西暉下，更與投壺便忘還。

與時可景張安叔履之聖大會話于稚存家

重踐佳辰約，聯筇帶晚霞。
臭蘭金子契，喬木玉爺家。
韻遞籤三藁，盃巡筭幾花。
莫嫌遊佚宕，爲是惜春華。

稚存玉吾齋之孫而時可最親故領聯及之人以佚宕譏吾輩故末句及之

寄趙仁叔 鎮宅

君居桂谷我花田別緒經春倍黯然聞說近從江上
住他時應泛子猷船

中本店曉發

遙村鷄報曉征僕筭盤錢曙色雲低野涼輝月掛天
柴門騎馬出松火導人先去去迷前路青山杳靄邊

訪歸樂堂愴懷有吟 巳丑

故宅春來杜宇悲江山依舊主人非孤花自發臨塘
樹老柳猶垂近巷枝殘墨年深蛛網設空簷日暖燕
巢依傷心歷歷當時事頭白村翁說且噫 進退韻

翠白堂占廬字

先祖相公一弊廬小孫猶是任閒居門前芳草夕陽
裏山下碧桃春雨餘舊業三家分井臼遺芬五世守
圖書白蓮池畔青瓜圃耕食從今更付余 池畔瓜圃舊傳先祖

所耕故云

先人周甲日會兄弟姊妹行薦新儀退而述哀
孤露偏憎歲月移先人周甲後人悲衣冠永闕思何
極豆簋空陳養莫追萬事不堪風樹淚半生廢讀蓼
莪詩年年此日伸誠禮如見爐香陟降時

陪叔氏與姨兄李喬伯 義弼 及李敬命 義肅 訪

吳克卿

載紹

貞陵齋居

城東聯屐出雨過淨秋天翳翳洞中樹涓涓石上泉
頓令塵慮息渾忘夕陽懸欲記同遊處山齋老檜前
將遊北關和諸友驢行韻岳丈趙公○庚寅
為北伯
卽物添離緒梅零雪共紛茲行將出塞何處是摩雲
千里為遊客三春正憶君投詩當贈策持此慰相分

曉踰鐵嶺

冰程叱馭最高巔月落星殘欲曙天嶺上宿雲猶不
散逐臣餘淚曲中傳白沙李文忠謫行
到鐵嶺有宿雲詞

其二

登登星斗近衣巾氣欲崢嶸更爽神十里羊腸三百
曲上蹊人語下蹊人

月夜登樂民樓

危樓乘月坐如浮楚色蒼茫去鴈愁小妓亦知清夜
好數聲歌曲倚欄頭

雨中登至樂亭

咸山形勝控斯亭沙際微茫柳意青園裏梨花方欲
綻不嫌遲日雨聲聽

寒食日登樓

關外春闌未見花嫩黃籠柳淡烟斜登高望遠增惆

悵寒食年年不在家

方向七寶山與趙仁卿元喆成卿貞喆兄弟及

康美伯錫彥出城口占

七寶昔聞名今春始此行古人詩數卷匹馬海東城
初日松間照青山柳外明茲遊應最勝與子擬題評

咸關嶺次農巖集韻

遠上咸關嶺停輿坐晚風下臨峯撲地東望海連空
崖樹纔通騎邊雲幾送鴻看花忽開曉春色洛陽同
月波軒敬次三世板上韻

蓮幕從軍歲荷衣去國時北關三世蹟東壁五言詩

鳥道天雲嶺鯨波日月池餘生多感涕憑檻夕陽遲

摩雲嶺

物華非故國風俗是遐陬地設關防險人多途旅愁
馬頭峯日轉鴈背海雲浮隨處幾吟眺還忘千里脩
老德書院謁白沙李文忠畫像

忍說當年丞相行湘潭故宅畫圖明國憂滿集雙眉
皺世道思將隻手擎但向歸雲憑涕泗敢祈明月照
精誠大名今古人皆仰祇謁祠門一愴情

北青城外見軍容有作

節度營前刺史迎陣門開處砲三聲干戈滿地魚龍

伏笳角翻風虎豹驚大將威儀方識壯青州部曲合
稱精從今不患關防策肯使胡兒飲馬行

宣化堂陪岳丈巡相拈韻

坐鎮藩方歲已過良辰無事費吟哦書生壯志頻看
劔閣卒閒眠每枕戈絕塞關防戎務重大都樓觀客
遊多梨花落地棠陰遍請採民風入雅歌

自重冷至平邱

暮涉重冷水行嗔老馬遲恐違紅樹色忙趁白崖期
山轉平邱驛江鳴石室祠孤村仍歇泊初夜上燈時

李兄喬伯方寓居
白崖約與同遊

豆尾途中

山栝蒼蒼山菊黃綠江一路斷崖傍崢嶸峽氣揚根
遠浙瀝灘聲豆尾長踏過穹巖呼酒榼折來丹葉掛
詩囊行行忽遇孤僧語八月金剛已雪霜

訪李兄喬伯白崖寓居

門對澄江背碧山一樓高枕樂閒閒蘆花淺渚晴鳧
浴榭葉疎籬暮鳥還漁艇沿洞殘照外孤城隱約白
雲間清琴畫局皆幽意珂馬浮榮自不關

泛波亭

峽氣霜清浦柳稠洪城館外撼寒流青山漠漠日低

野落葉蕭蕭風滿樓一道灘聲渾作雨數家烟火不
勝秋遠游自有鷗夷酒手折黃花暫醉留

合江亭次板上韻

布帛菴邊路臨江有古亭楓陰經雨薄松籟引風冷
急峽流何駛羣巒勢不停徘徊懷往蹟落日下空汀

望雪嶽

奇巖一一白崔嵬錯把山光認雪堆鍾得海東英淑
氣較諸楓嶽孰雄哉

向寒溪

登登山路峻又經曉雨滑折松掃殘雪幾回捫石髮

脅息不能前楓林坐暫歇君言瀑尚遠我惜酒先竭
南眺伽尼峯參天摠石骨攢樹暮嵐積遙空去鳥沒
飄然欲羽化步步雲生襪

寒溪瀑

君不見雪嶽山裏寒溪瀑霧散雪翻無西東石蒼蒼
危乎偉哉萬丈之壁高插空高插空上承源朝日照
之生長虹削立定經夸斧斲飛流恍疑銀河通但能
遠望不可接東臺坐御泠泠風有時流急不着石飄
飄捲沫吹丹楓手攀石蘿俯懍然下淵十二深無窮
天下何限瀑布勝誰其似者難為雄

槽淵

石澗亞承流春撞深幾尺側身一色青上有莓苔壁

永矢庵

幾疊青山幾曲溪行尋蘭若峒雲迷此間勝賞知多

少摠入淵翁舊品題

庵傍有三淵遺墟

三淵遺墟碑

雪嶽公來重雲陰記舊墟當年游子跡此地碩人居
苔老碑空在林深寺獨餘徘徊挹高韻清瀨過虛除

水簾洞

潭清石白映秋空晴日丹藜倚晚風正好携君山色

裏已能忘我水聲中峯高悅訝神仙近巖詭渾看造
化工祇恨斜蹊霜葉滑上源雙瀑步難窮

向萬景臺

踏來靈嶽遠行看水簾清洞暗白雲氣山寒黃葉聲
於仙應有分與世久忘情萬景知何處登登絕壁橫

彌矢嶺

蓬嶽之南雪嶽前嶺高眺望更無邊羣山落落平蟠
地積水蒼蒼遠接天烏度楓巖秋色拖僧歸花寺夕
陽穿令人便有凌雲氣巾服飄然坐若仙

凌波臺

臺高凌白波，斜出浩渺間。崧峩石勢古，穿鑿巖形斑。
磊磊呈萬態，摠是恠詭顏。亞或肖蜂窠，聳或如螺鬟。
驚濤常出納，磨泐自成窟。風來響轟吼，日出勢蕩涵。
有時浪如山，天際噴霜雪。排置豈人力，奇巧定鬼設。

三日浦

山開窈窕鏡，中天讀罷香。碑更放船紅，葉影翻斜照。
裏白鷗飛過，斷霞邊。寺臨綠浦，金湓佛崖護。丹書石
化仙三十六峯清，夜月玉簫聲在迷郎前。

七星峯日出

十里延曙色，孤舟入大澤。仙峯整位置，插出玻璃碧。

光搖雪霜秋，勢壓魚龍宅。點點北斗數，灝氣千年積。
櫓搖抵其下，冷風生肘腋。秦時採藥船，茫茫何處適。
日出苦未出，滄濤忽中劈。赤波俄吞吐，玄雲更辟易。
物受成五彩，照爛盈我席。羲和儼前導，上帝臨有赫。
重重陳羽衛，萬里天五尺。頃刻倏萬變，異態不可跡。
乍陰勝全晴，屢覩猶無射。

金欄窟

金欄窟前臨浩淼，之滄溟。舟人道是甘露壺，箇箇色
如紫水晶。東立蒼石亞，而空海濤搗穴吼。雷霆不敢
迫視，竦余髮且向叢石揚風舲。

再到咸興陪巡相賦詩都事呂善德亦在座

玉節巡關北威名迥出羣故都豐沛重列鎮華夷分
雅韻賓題月清歌妓遏雲那知舊游跡復得此宵醺

濬源殿

真殿捲珠簾祠官導相向英邁蓋世氣勃鬱興王相
堯眉與舜瞳畫裏精神旺誰謂千載遠肅穆如在上
睠彼龍興江長波何汪汪發源固自茲濬導豈不壯
允矣 大聖人綿綿洪業勗臣家有喬木國運萬年
仰

送趙仁卿及第榮觀咸營

天章寶墨動榮輝荷寵如君古亦稀萬歲橋邊楊柳

路少年頭上插花歸有御製詩恩賜

立春日勉姪兒

嗟我五弟兄得姓惟爾獨今年年過七古人已入學
善讀吾祖書無貽父母辱以茲替春帖汝叔為汝祝

與敬命仁卿及李注書士浩普天發向楓嶽宿

道峯書院辛卯

萬丈峯高易夕陰廟門銀杏洞天深學惟溯洛差先
後厄甚圍陳奈古今季世人無三代志下泉吾有百
年心詠歸亭畔梧桐月尙想先生灑落襟

蒼玉屏

雨氣渾添壁色青江流如帶戛雲屏夕陽飲罷窪樽

酒獨訪西林處士扁

李斯文和甫居屏南

禾積淵

寒潭黝碧岳周遭別有奇巖造化勞始訝龜頭從地

出更看獅尾向天高淵傳玉女投梳異石想金仙拄

杖豪忽漏松間明月色緩驅羸馬出東臯

玉女梳金仙杖皆有

古談

披襟亭對月

暝樾看漸清虛樓受全白中有二三子高歌且細酌

楸池嶺

十里履平途途窮卽嶺頭嶺頭何所見白雲生遠愁

下有無底谷浩渤東南浮側身宇宙濶極目烟靄收

籃輿下絕磴山風何颼颼

叢石

曉發通州向叢石海鷄三唱月未落我馬行倦遂已

曙碧水潏潏紅濤作上亭齊賓將出日忽地何物來

相薄恨殺化翁秘全勝故令天際雲靄錯惘然顧視

重嗟咄且駕小舟揚風席沿洞曲灣奇石多臥者豎

者狀千百頭頭愧如砥柱屹編篋束軸更堆積箇箇

六稜亦可恠誰遣神工磨且削是知瑰觀冠海東令人歡叫兼駭愕倚棹一笑問石丈倘能記夫去年客

三日浦

蓮峯秀出更澄湖落落松寒島嶼孤石上題名苔半蝕今年吾是去年吾

訪九龍淵

山中三夜雨應泛九龍梯選日初尋瀑穿雲屢渡溪指峯僧說號臨磴客愁躋行且源頭見迤過玉洞西

九龍淵

瑩石滑添霜跬步不可失慄慄走過崖舉頭忽何物

廣張雲錦壁上有銀漢落合沓萬重峯震疊千丈壑高坐苔巖上聽之還欲聳正當初日暉光彩亘長虹驚瀾盪澗谷噴沫撼楓林深淵我存戒可望不可臨神物倘在此霧雲噓尋常裳巖舊有穴佛說誠荒唐逃矣廬山瀑生平何由見寒溪與朴淵向來遊筇遍欲將爾相較終當誰先數無因窮上源餘恨寄洞府歸到神溪晚向鉢淵

冥搜又得溯靈源澗道林霏滴翠痕踏過巖崖平始怯聽來洞瀑寂猶喧無端雨作何天去不盡川從此地奔晚發溪寮疎磬歇鉢淵東畔已黃昏

榆岵寺

灰劫檀峯不記年
盧侯古蹟已茫然
嶺傳仙狗曾過路
井有神鳥舊啄泉
何處浮來金佛坐
內家裝送玉燈懸
暮鍾初歇根塵靜
徙倚禪樓月上天

隱仙臺

次第搜名勝
詎嫌山路崇
危臺臨絕壑
飛瀑掛長空
目極還生霧
身搖不耐風
丹邱知在此
鶴馭鴈門東
摩訶行

幾向招提結淨因
衆香城繞玉嶙峋
曇無隱現千峯面
彌勒森嚴十丈身
僧定白雲閒不掃
客來青桂自

相親庭南七寶尤奇絕
萬瀑源頭拄杖頻

毗盧絕頂

跨上毗盧萬丈危
白雲低向膝邊垂
天高只有蒼蒼燾
海遠何多拍拍吹
卓犖難名渾氣勢
盤紆如許自根枝
永郎東畔憑虛立
悅躡仙蹤鶴背騎

普德窟

遍尋八潭勝
又有一庵奇
架鑿金龕穩
鉤聯鐵鎖支
倒聽雲瀑壯
俯視雪峯危
未敢窺銅柱
堂垂戒在斯

白塔洞

努力穿山復渡溪
爲誰深處客來齊
楓林古壁清霜

滑榭葉寒峯落日低勝賞徒言窮白塔冥搜愈覺杳
丹梯武陵桃水今千古真箇仙源著處迷聞有真自在塔在於在

長安寺

金剛初氣脉還我出山程桂樹留人久蘭林占地清
斯遊應有分將去豈無情回見羣峯立頭頭似送行

水落洞天

纔返金剛路仍尋水落時烟霞元痼癖山海好襟期
大觀難為勝茲遊亦自竒空林人不見梅老有遺祠

和呈岳丈寄示韻 乙未

生平志業未全違扶得陽春一脉微世事忍言龍塞
謫 聖恩終許鶴山歸菟裘夙計身將退軒冕浮榮
夢已稀且喜從容聞道地暮年桑梓日瞻依

直廬遇洪工部太和 元慶 拈韻

三月輕寒雨且仍桃花尙未絳霞蒸祠官淹直忘春
駛水部排供趁旭升薄宦同憐營斗米清襟惟許挹
壺冰杏庭綠業消難盡逢處詩情酒後乘

洪僉樞 章漢 挽

磊落胷襟皓白鬚先人攸執後生吾嘗聞丈席推賢
者屢屈公車奈命乎萬事不如傾一觴十年聊且佩

三符素心理沒丹旌字天爵中樞下大夫

李參奉

和甫

淑人挽

庚子

一區絃誦宅山水玉屏幽樂有賢夫子嗟真女士流
肯思鍾鼎貴能忘米鹽愁展矣吾文正曾令結好逌

趙奉朝賀

重晦

挽

壬寅

記昔我皇祖寒泉講道日賓朋自遠集公時同立雪
慷慨說春秋琅函奮直筆先生聞之喜風稜一何烈
邦運履中厄祇今猶涕咽微臣敢自愛見義不見鉞
干進乃所戒一生守吾拙宦妾昧其名 袞褒仍簡
拔寂寂吏部宅雀羅真可設掩門清晝永紋枰伴兀

軼年至便角巾相羊餘歲月豈惟激懦頑且喜保名
節小車日涉園林花自怡悅行藏及語默蓋亦信師
說我是故人子姊爲賢胤匹嗚呼羸博慟未亡誰所
恤拜床荷繾綣知公莫余悉敦重坐時象忠愍生來
質一有所執守寧爲賁育奪出言去表襮作事恥局
鑄厚德如公少何由覲彷彿箕疇有五福在公無一
闕合劔竹州山清秋卜其吉詞繁不敢殺非直爲相
紼

步金生履汝

德基

韻

最怕窮廬晚暮悲培根方可達其枝操存熟處全明

德格致由來在慎思聞道敢期餘歲月讀書須趁少年時新工說與吾人勉久久終當浩氣頤

李應五 著演 與其弟 奎演 委訪山居既歸示以

古體詠松詩朗吟屢回蓋欲步韻而未及也洪

妙告往走草二絕以謝前慢 癸卯

寒齋留客小燈青二陸詩談到五更為愛谷中三秀草名賢故宅有餘馨

其二

松翠吾廬自古今郵筒珍重歲寒心春來定有桃花水四隱亭邊一往尋

與李丈 行祥 鄭丈 錫休 會校王考遺集臨別鄭

丈有詩謹次韻 甲辰

邈矣先生講道辰祇今猶有及門人自從少日觀於海為說當時坐了春萬事悲歡壇月古十年離合鬢霜新趨庭詩禮嗟無地獨把遺書感涕頻

重陽

風雨重陽亦勝時黃花自發傍松籬小樓試做龍山飲明日登高尙未遲

久欲掘井於新里而未及也九月初六夜宿泉食菴夢得一絕依稀若鑿後所成者惟第三四

句及第一句方成九仞功五字記得餘則茫然
覺後足成

有志方成九仞功涓流纔到海門洪寒泉一脉源源
水灌注兒孫義理曾

旺林李文周甲後三日委往一宿臨還草呈一

律乙巳

山門小雪客登茵為是先生六十春青眼相邀談古
籍白頭偕隱樂綦巾已知名下無虛士且喜鄉中有
善人從古遺賢非盛事只緣肉食少經綸

至日次先集韻

天道無終極稗陽生於陰卽此消長際氣機同古今
欲知七日復須從一元尋地雷著至象朋來皆知音
周孔及程朱萬妙圓一心遺緒在文正惕若淵冰臨
傍花讀義易對酒憶回琴唱歎當日詠景仰猶不任

傍花對酒二句
全用文正公詩

約窟菴遊伴自沈氏溪亭訪白蓮菴 丙午

沈氏溪亭近蓮龕隔一林茲遊隨處好聯步入山深
老樹摩晴昊歸雲遞暝岑丁寧啖薺約早晚遂初心
稼村賞梅

歲暮襟期與爾親冰姿玉骨更無塵瓶泉可敵生成

雨盆土猶能闢翕春獨恨先萎由早發誰憐剩馥尙
天真開樽斟酌經年別應記西林索笑人

菊里金丈

樂源

歸後賜一絕要借朱子大全書

自道從前着力虛詩來真切歎窮廬大全一部非難
借要約無如節約書

其二

志在朝聞計不虛獨憐衰髮臥蓬廬非知不重行爲
重且讀文公小學書

其三

四十無聞歲月虛邇來屏跡守先廬朱文正好寒泉

讀况是先生手澤書

教兒不覺暴怒詩以自警

丁未

天地自有冲和氣一陰一陽相緼風雨霜露無非
教往往乖沴失其順盖聞人於七情間惟怒難制亦
易發方其靜時固爲中迨其既發何由節昔者晦菴
朱夫子平生自言多忿懷亦粵東萊呂成公少時暴
怒以爲戒畢竟善變無渣滓不然何用變化工愚明
柔強是有理所以垂訓於中庸我有暴怒常自悔悔
之數日還突兀發時多在教兒際始由慨咄終訖叱
劇知匪怒亦非惡愛之或恐不若人已之不若最可

幸身集 卷一
恥何不反省責諸身從來牖蒙亦多術要在誘掖而
獎進萬一摧傷食牛氣宋人握苗不幾近就使可怒
我無與大抵不免爲氣使試看此時果何象威儀不
重聲或厲諒由氣質偏難克是謂君子不性焉矯之
在我不在人自修何難復本然在天曰理人曰性我
生莫不有太極隨其所感發爲情於是有善兼有惡
愛惡哀樂等是用厥初何嘗爲心病曾傳四有亦其
常有之而後方不正堯舜不過與人同操舍之間中
不中存養蓋資學問力戒懼終致位育功乃至不遷
與不貳顏子所爲亞聖者若夫遽忘而觀理程訓真

是我師也苟於動靜必加察可使躁暴變和緩凡由
血氣克將去譬如一劍作兩段從今作詩以自警一
切聲色不宜大小子勗哉善讀書毋令乃父重其過

楓溪鄭丈冠其孫

禹采

備行三加之禮有詩志

喜余猥當賓階之祝遂敢追和于下

尚記升階祝楓溪十月時故家猶有禮令抱又能詩
三世團圓席諸賓揖遜卮周旋餘古意歸語未冠兒
入城偶值上元陪仲氏出廣通橋

戊申

街塵雜遯萬人譁只是清光可意多須識動中還有
靜橋頭點檢此心何

十一月二十六日仲氏回甲志喜

天時陽復又周星和氣如春泛綠醴五弟兄中初甲
日一門庭內最高齡同床少弱還頭白賀席親姻共
眼青宅近南山齊得壽年年此會祝康寧

訪楓溪鄭丈鄭丈圃翁後孫也酒行示以一古
軸蓋其少時述懷之詩我王父文正先生皇考
大諫公及其同學諸丈次第步韻而皆皇考手
書也詩中相勉之意在繼述家學余亦以文正
爲祖可作反身之戒今去丁巳五十三年獨此
丈老白首在世余不勝江漢風樹之感謹追和

題其下 已酉

先賢脚下固難人東倒西來愧此身奉讀遺詩多感
慨兩家相勗在明新

谷口有築室之計而患無井也向在甲辰季秋
夢得一絕依稀若鑿後所成而意趣頗深遠有
言外之味心異之昨年入處新舍今歲五月已
未果鑿井當日之夢至是而始驗矣豈非山裏
一奇事歟遂推演前詩之意疊步其韻以冀再
驗也

半畝方塘一體功天光雲影照纖洪試看活水清如

許不獨湯盤洗滌胷

贈鄭君子平 禹采

爾我宜無忝乾乾夙夜中陶翁會此地圃老况遺風
家學淵源在吾鄉鄒魯同苟無咬菜志為善鮮能終
夢得上二句足成下二句

整頓兒孫新井曰重修夫子舊門墻昔我來時成此
句移題春帖却無妨

次兒輩韻 庚戌

蒼苔門巷少經過康濟年來只自家白首尚存憂國
意清明三月雪如花

拜 弘陵令

德配 先王壺範彰至今遺化頌無疆微臣見職誠
非偶昔日祠官又寢郎

伏觀壁間 御製 陵上虛右之地謹述感懷

咫尺 明陵 聖慕長千秋歸侍白雲鄉猶有當時

虛右地蒼梧何處葬 先王

海印寺東臺聽伽椰琴 辛亥

悅訝瑤笙鶴背聆松臺高處御風冷孤雲一去無消
息曲罷伽椰山獨青

紅流洞

落花潭畔沉吟坐攀桂巖前悵望迴過客丹書多舊
識籃輿隨處拂蒼苔

過山寺

籃輿十里曉穿雲乍憇山門梵唄聞去路村名僧說
道周公孔子伯夷云

芳草亭次李參奉宜朝韻

李氏溪山倍覺新一門誰是肯堂人 王風必偃亭
前草願覩烟花百里春

病中間兒子飲泣偶吟癸丑

飲泣窓前步深知孝子誠平生孤露恨為爾願長生

丙辰二月二十九日王考陶庵先生南遊到沈

氏鷓鴣亭有詩曰洛上雨初歇千崖花發時今

采適莅茲土善山偶值是月是日携諸友訪古蹟

崖花雨歇又彷彿昔年謹次其韻以贈主人沈

明仲翼之○甲寅

杖屨曾經地崖花雨歇時茲遊同日月往跡問鷓鴣
榭挹三峯迴船洞九曲遲百年堂構責宜念後昆垂
為迎候仲氏行往商山滯雨訪金進士燮謹步
王考昔年留題之詩奉贈

百里商山地羈窓對落花人烟江左近客日雨中多

祇謁先生院參尋上舍家看雲一般意從者幾時過

海印寺拈韻呈巡相李公泰永時居昌金使君

錄安義朴使君趾源李進士道永同會

公視禪房似故鄉同城親友暨同堂相看白髮秋懷
積一宿青山夜話長五斗不妨歸粟里二天何幸遇
蘇章追遊名刹今如許盛事應難異日忘

華泉集卷之二目錄

詩

自俗離向華陽

巴串

忠州衙軒偶吟

南窟

石門

島潭

出丹邱洞門

乘月舟下寒碧樓

鄭進士 錫休挽四

鄭判書 存中挽二

夜宿長淮聽鴈感懷

哭亡室墓

過故廬

涉早遜江拜遂菴先生墓歸路遇雨犯昏

桂坊次酬唱錄中韻二

宋洞賞花

自黃州到東坡見文兒黃婿以進士新恩迎謁
鶴飛去

和贈寬甫 策宗人

聞安叔回甲日往省先大夫墓送詩寄意

詠菊 三

李左尹 漢豐挽

獨樂亭賞花

邀沈景晦趙安叔金聖胤 履錫 洪履之尹仲舉

守翼 小話次先集韻

到清潭次先集韻

祥雲寺

扶旺寺次先集韻二

南仁瑞麟者宅次漢湖集韻

金聖胤宅次三淵集韻

李同樞大亨挽三

沈進士儀挽

清暉閣舊墟次仲寬感懷韻

先集成諸士友會校新舊本有詩仍和之二

寒泉舍次文兒韻寓感

除夜

元宵踏橋後坐川上偶吟

穎上看花

送春日還鄉上成趣亭

聞被辟惠局口占寄意

次贈金君洞軸中韻

李敬命挽七

追次壽席兒輩仁字韻二

次韻葛川金氏馨遠家回香宴

元朝次先集韻二

次韻賀同樞宗丈濟安去年重醮其胤子今年

回甲

叔嫂洪氏回甲壽席得門字

次韻賀洪同樞元禮龍普周甲

燈夕與洪伯理大應洪而壽仁謨登南麓二

清心樓謹次牧隱板上韻

冰壺閣

發松京宿延安界

入海州

皇華樓感古二

爲覽仙樓香嶽之勝率文兒抵黃岡勸起金牧

伯應之箕應與之行

練光亭

浮碧樓

仁賢書院

箕子墓

應之病不得往香山次其韻三

閱波亭

降仙樓

黃鶴樓乘舟下三十六洞天次應之韻二

見鄉書口占寄正兒

謝李進士汝章委訪

金沙

海棠花

次竹樓主人應之寄示韻二

應之所惠二篇屬意鄭重又疊前韻寄呈

趙裕叔鎮寬挽三

金應之挽八

沈景晦挽三

一勝亭次兒輩韻

盤龜臺謹次圃隱先生韻

歲新倍切家國之戀次文兒琴鶴軒詩韻

釜山途中

驢通信正使金公世履喬赴日本

光文以閣臣陪輦至春塘臺承命賦詩賤

臣適忝銀臺謹步其韻以寓頌祝之忱

俞曼倩挽十

鄭進士景五奎采挽二

李蔚山廷寅挽五

上元夜兩兒就禁直獨與諸孫看月二

發向壽春官屬稱大監戲占一律

踰石坡嶺

渡新淵江抵衙

昭陽亭謹次王考陶菴先生板上韻

聞韶閣次壁上太太守歌

谷雲九絕

臨歸次谷雲籠水亭用崔文昌紅流洞詩韻

送文兒遊楓嶽

昭陽亭觀漲

發向永保亭次趙生爾玄基升韻

永保亭

林川衙中書示正兒

定山衙中拜歸樂忠肅公祠版

水北亭

大哉閣

洗劍亭觀漲

天然亭賞蓮

留小阮江榭步壁上韻

十月九日與諸友上南麓爲再重陽會

驢吳侍郎翰源赴燕

又草一絕兼驢李書記

華泉集卷之二

詩

自俗離向華陽 丙辰

宦游自笑髮添霜五馬年年到處忙獨有今行差可喜俗離歸路又華陽

巴串

華陽九曲溯源流第一巴溪水石區我祖遺墟增感慨肯堂何日讀春秋 陶菴先祖舊置亭於此今成荒墟只有礎

忠州衙軒偶吟

訟庭如水日如年惟有西林嘒嘒蟬疎雨纔過涼滿

簞使君無事晝高眠

南窟

永春之水東流出峽山四圍青突兀九月天高霜氣
冷舟下北壁尋南窟主人送我至環碧危欄一色楓
林赤吃飯復從木道去石門呀然來咫尺其高僅容
人立竦澗亦相當如蟬竦試令胡笛臨穴吹穹窿應
響風雷動誰將小舸浮在此搖搖恰受人三四縣吏
牽纜逶迤入回晝爲宵頃刻是縱使松火前導明不
辨四到何由行去去窅窅昏昏界箇箇奇奇恠恠形
累累懸若石鍾乳直直撐似金銅柱疑人疑鬼復疑

佛水田歷歷痕如古左通右達無限穴千態萬狀難
容說往往匯爲衣帶水源泉蓋自巖竇泄行看游客
題名處半成古跡還多事出門笑指人間世青天白
日真可意

石門

倦曳癯藤上石門仙人耕處至今存仰天方覩天圓
體夸斧何曾有鑿痕

島潭

仙區非別界此地得瀛洲孤棹中流去三山出水浮
全身渾斲石一面可藏舟海上金剛勝依依記昔遊

出丹邱洞門

紅樹千山萬壑白雲二島三巖桃源一別如夢玉筍
峯頭日銜

乘月舟下寒碧樓

孤舟三日溯洄遊行遍丹邱又碧樓邂逅漁翁相伴
去清風明月不禁秋

鄭進士錫休挽戊午

摳衣人自四方來文正當時任繼開座上春風門外
雪一時教育幾英才

其二

渴飲寒泉九日樽函筵覲德尙餘薰韶顏白髮圖書
室涵養年來驗所存

其三

滴滴科名上舍身但能康濟不憂貧尋常提誨期無
忝爲是先生脚下人

其四

嗟余病未送靈輶萬事傷心數幅詩埋却青山經術
士泉門零落幾人歸

鄭判書存中挽

重厚威儀白皙容承家孝友愛君忠嘉言滿目書

常揭儉德持身食不重詩禮再新文翼後規模一變
會賢中向來忍說西河慟我姊泉臺又下從

其二

閉門終日少逢迎時有丁丁落子聲官遍九州仍按
察班崇八座又耆英悲歡互雜非無恨壽貴兼全與
有榮相縛詩成聊永訣白頭門下舊時生

夜宿長淮聽鴈感懷

長淮疎雨夜無眠歷歷悲歡四十年到曉傷心孤鴈
響清霜叫侶度江天

哭亡室墓

嗚呼嘻矣已焉哉漠漠重泉去不回風雨屏山三十
里觸寒辛苦爲誰來

過故廬

巳未

嶺湖游宦十年春何處青山葬淑人同去獨來惟有
淚空堂依舊設屏茵

涉早遯江拜遂菴先生墓歸路遇雨犯昏

十年歸未得遯水又秋風白首爲州吏青山拜遂翁
依然承警欵或者牖昏蒙步步冥行感蕭蕭寒雨中

桂坊次酬唱錄中韻

庚申

西湖琴鶴趁春還措大翻爲禦侮官扮作戎裝堪一

笑病餘瘦骨怕輕寒

其二

床書一任久拋看華 誥三遷墨未乾春晚鄉園歸
不得誰教白髮耐清官

送春日與僚丈俞司禦漢雋申翊衛大羽宋翊

衛時淵尹衛率守翼往向曹溪至惠化門改路

訪孫家庄水石歷 貞陵宋洞賞花歸路得花

字共賦

齊出東門步步沙送春佳約向誰家此行始為曹溪
水歸路仍尋宋洞花到老白紛吾甚矣翊儲黃綺子

真耶銅龍猥托諸賢後佚宕巖泉分更奢

自黃州到東坡見文兒黃婿以進士新恩迎謁

辛酉

記曾吏部館甥村五十年來百感存猶有此行奇特
事一時迎謁兩新恩

鶴飛去

獨鶴嗟如我公庭彳亍行使君相伴住微物亦歡迎
尙有雲霄想空教月夜鳴西風忽飛去正是放鷗情

和贈寬甫策宗人

同人百代義遐土十年蹤苟若無相憶那能有是逢

欣然千里枉忽爾兩衰容一去還如夢依倚德月峯
聞安叔回甲日往省先大夫墓送詩寄意壬戌
忠翼公孫悔老兒居然六十一年茲歲回赤壁吹簫
夜日近龍山落帽時禱久弧桑嗟已矣攀餘墓栢問
何之故人病伏松南宅未覩癯容執壽卮

詠菊

松崖移宅小庭開老木疎陰一逕苔林下猶存經濟
志送人贏得菊叢來

其二

一時栽植幾多盆雪白金黃按譜分短架辛勤扶護

立問渠能識主翁恩

其三

萬木凋零歲及冬寒花開遍淡香濃寄言莫小盆中
土發育元來一撮功

李左尹

漢豐挽 癸亥

中原合席有餘薰藥裏連年世好敦忠武故家佳子
姓朝鮮一國上將軍鞭囊跡混猶儒行裘帶身閒亦
聖恩斷盡猿腸仍禱蟻蒼梧相接廣陵雲

被俞曼倩

漢雋

徐聖可

簡修

勸起聯騎到雲近

樓主人不在遂同往獨樂亭賞花趙丈士尊

重

瞻趙汝載厚鎮俞日章漢純皆會金令仲寬在

淳亦追到呼花字共賦

山南山北不嫌賒爲是羣芳盡意華偶到雲樓題鳳
起相將春服策驢過主人猶保平泉石老子重尋洛
社花獨樂園中苔蘚古誰知當日尙書家

邀沈景晦趙安叔金聖胤履錫洪履之尹仲舉

守翼小話次先集韻

湖外輕舸又海邊十年琴鶴未歸田春來幾做青山
夢老去應同白髮憐八口行將南峽隱寸心獨奈
北宸懸尋芳坐惜韶光晚尙記花陰少壯筵

到清潭次先集韻

山回漢北白雲深中有高樓石氣陰落盡桃花人不
見潭清忽有浴沂心

祥雲寺

步步青蘿逕居然抵白雲林寒猶薄翠花落或餘芬
一水何曾息三峯獨不羣暮投孤寺宿清磬絕塵氛
扶旺寺次先集韻

一路祥雲五里餘青霞洞闢桂林疎遊仙臺上憑虛
望立立羣巒拱揖如

其二

山裏招提取次尋閒隨白衲入雲林松臺獨酌當時

事惟有兒孫感古吟

陶菴先生有松臺獨酌詩

南仁瑞麟者宅次漢湖集韻

西園咫尺禁林稠簾閣蕭然境更幽巷陌何須論遠
近淵泉只合問源流十年州紱方知老幾處山樊未
見休醉後偶吟漢上句落花啼鳥揔閒愁

漢湖詩有落花啼鳥

金聖胤宅次三淵集韻

城市中間子有廬閒庭日永少年如芳蘭并葉香逾
遠老樹交柯蔭不疎 聖世新恩三貢士淵翁遺業
一床書欲聞知異山名勝為訪咸陽舊守居

李同樞 大亨 挽

於惟文正公門下諸子彬彬六藝勤一自山頽零落
盡有誰觀感又尊聞

其二

李丈同樞年八十歸然存若魯靈光朱書在案羲圖
竝皓首林泉樂未央

其三

去歲寒泉 宣額時辛勤來與裸將席誰料平安歸
未旬一朝乘化九原隔

沈進士 儀 挽

世德中州望科名上舍榮一言知雅操屢枉見深情
置玉還無價籛金更有經題詩追相緋何處是佳城

清暉閣舊墟次仲寬感懷韻

舊有清暉在空餘小澗迴山青誰作主頭白我初來
往蹟看流水荒墟認古臺寄言堂構者須起一樓開
先集成諸士友會校新舊本有詩志感仍和之
肅肅寒泉社寥寥古匣琴尋常餘咳唾五十八光陰
江漢思逾切淵源契獨深多君校書會唱歎有遺音

其二

從今豕亥各分明三復遺文百感情不可無吟諸子

會何由毋忝乃家聲臨盆至理觀魚躍入洞遐心聽
鹿鳴自有寒泉田地在桑榆收拾戒虛名

寒泉舍次文兒韻寓感

爲近松楸復此鄉新悲舊感一時長空庭井臼皆陳
跡破篋裳衣尙故香忍使斷猿啼楚峽不堪孤鶴返
遼陽傳家獨有青氈在日讀遺文到夜央

除夜

吾衰兩鬢已全皚却把屠蘇最後杯守歲何曾留不
去迎春元自送還回天心益驗貞元妙陽意先從剝
復來家國延祥同一理中庸卷裏得栽培

元宵踏橋後坐川上仍有仁智樂山樂水之說
費隱形上形下之論是亦山中一奇事偶吟一

絕甲子

仁智由來見不同獨余於水樂無窮橋邊講說還奇
事探蹟形而上下中

穎上看花為曼倩聖可所強也仍與主人任得

汝魯講舊好臨起共賦用進退格

年年看盡郭東花酷愛春光發育多淨掃白雲遊宋
洞閒隨流水到孫家偶然追友江南去聊且尋君穎
上過政為桃源高士在此行不獨趁紅霞

送春日還鄉上成趣亭

亭西桃李盛繁華經濟年來此地多偶入洛城今始
返春光虛負一園花

聞被辟惠局口占寄意

潛郎白髮古來稀進亦違心退亦違獨有林鴟能愛
我血誠啼道不如歸

次贈金君洞軸中韻

去思固多矣處人幕為人去思古未有也且
顯而晦晦而復顯必于其後孫佐幕之日尤
奇矣斯其所以薦紳大夫有詩若文鋪張之

也可以不能辭乎步軸中韻以塞其請金君
名世輔其孫洞云

蹟隨名不泐重豎一苔碑莫以中軍小能令後世知
戎裝孫卽肖民頌爾無私此事真奇絕揄揚合有辭

李敬命挽 乙丑

系出琮璜世德尊正菴脚下又賢孫清疎簡淡猶餘
事衆美都從百行源

其二

八角東南便一隣向時追逐已前塵公惟叔氏同庚
友我許平生知己人

其三

知公少小癖於文自有先秦軌躅云下筆獨推門路
正同時數子定誰羣

其四

閉門城市只看書措大持身處子如談論時時輕一
世風流多在酒酣餘

其五

文章寂寞囊中草身世浮沉水上萍異事農翁當日
夢分明爲子畫平生

其六

凡有巖泉大小遊良辰挈榼與公謀滿紙瓊瑤猶在
篋雪山楓嶽又冥搜

其七

尙憶前年風雪時龍湖十里欵君扉嗚呼八勝亭中
面早晚泉臺會有期

追次壽席兒輩仁字韻

今余周甲倍傷神依近松楸一慟伸孤露仍兼終鮮
恨殘年又是老鰥身何心肯享兒孫壽此性全孤上
帝仁頭白靈芝空發歎餘生無路報 君親

其二

東朝六十一年春 聖世推恩及老臣裘冕未終長
樂養緋衣虛作大夫身徒然沙麓星回甲倏爾雲鄉
月建寅勇撤簾帷如昨日女中賊德頌宣仁

次韻葛川金氏

馨遠

家回香宴

婿婦還頭白同牢六十年斑衣憐鵲峙華胄頌蟬聯
吉日天桃際青春甲子前吾鄉傳盛事賀語屬誰先
元朝次先集韻 丙寅

尙有屠蘇瀝春醪不待賒衣冠同一里履屐自三家
孤露情何極殘年學未加平生經濟志看我鬢全華
其二

倍切靈芝感行行大道賒有誰方發軔如客未歸家
糲散宜時棄蒲衰奈歲加願從三始祝勤謹歛餘華

次韻賀同樞宗丈

濟安

去年重醮其胤子今年

回甲

一入天門拜 命還同樞峻秩鬢金懸老人纔過重
牢日兒子方回舊甲年殆若上天偏造化始知平地
有神仙邇來自足田園趣不許囂塵到耳邊

叔嫂洪氏回甲壽席得門字

尙記天桃始入門居然嫂叔鬢霜繁悲歡四十年間
事耕鑿東南山下村伯道無兒嗟螺負中郎有女喜

獅蹲連年是月空回甲百感詩成賀不論

次韻賀洪同樞元禮

龍普

周甲

少小交親到此時連年周甲未曾期槐陰數畝比隣
宅彩服諸孫介壽卮同病爲憐孤露感蘊才惟有一
鄉知頎然七尺真堪惜虛老中樞白髮滋

燈夕與洪伯理

大應

洪而壽

仁謨

登南麓洪令

爽周吉周顯周兒子光文光正隨之

丁卯

簇簇青熒漸漸昇一時明盡萬家燈仰看天上上弦
月却遜今宵無限澄

其二

百尺竿頭更一層試看高處自卑登吾儒進步當如
許不待中庸一十能

清心樓謹次牧隱板上韻

清樓水閣接簷端日一登臨一破顏先輩紗籠多歲
月主人白髮臥江山烏檣歷歷龍門外蟹火依依燕
瀨間獨有蒼梧無限感子規啼月未應閒

水壺閣

雲烟萬態大江濤一字高樓摠俯臨自愛水壺閒日
月使君無處不清心

發松京宿延安界 戊辰

三鞞西州紱頻踰午正門延城懷往蹟猶說月川君

入海州

黃驪山水不勝情捨却名樓此遠程白首今爲艷下
吏清晨馳入海西營匪才猥荷 恩私重欲遞終歸
分義輕縱道折腰非爲米素心多愧古淵明
自驪州移拜豐

皇華樓感古

水積西溟地盡頭朝宗萬里向東流傷心當日乘槎
路獨有皇華一古樓

其二

朝天無路海漫漫虛送 崇禎日月還一片青邱多
義士至今思覩漢衣冠

爲覽仙樓香嶽之勝率文兒發天使館歷抵黃岡勸起金牧伯應之箕應與之行其胤子而亨

在元亦偕焉拈杜韻共賦

自解黃岡紱吾行再度遲故人爲地主微雨好天時
幸得青眸笑同酬白髮詩樓仙應有待雙蓋赴幽期

練光亭

柳京物色正繁華直上丹樓粉堞斜第一江山真似
畫老夫於此典猶加

浮碧樓

名亭咫尺沮江灣最愛斯樓淡忘還正使幽閒開別
界兼將勝槩擅西關波中樹綠圓孤嶼沙外天晴簇
遠山更有一區蕭寺在夕陽清磬出雲間

仁賢書院

演出九疇闡一原是書優入聖人門尙今故國矜紳
慕不獨前王位祿尊黼舛制亡何處覩豆籩義起此
間存東方文物於斯盛功化還同摑血痕

箕子墓

中國衣冠縹域偏千年仁化八條傳井田歸路尋遺

墓日暮空山柱宇天

應之病不得往香山次其韻

東南山水昔周游餘債關西獨未酬可奈病翁難濟
勝香爐遙望却搔頭

其二

一見名山有數存被君牽動主人言東臺以外無多
勝不過乘危到上元

其三

獅子峯前客到稀尋真一計竟相違應有山靈譏我
輩中途敗約遽言歸

閱波亭

路出江東是峽天閱波亭上玩風烟入州偶值端陽
節處處鞦韆萬柳邊

降仙樓

成都名勝冠西州白首猶能辦一遊好伴故人行遠
路况逢仙子倚斯樓峯形疊展奇圖立江色澄拖匹
練流周覽經旬還忘倦明朝又欲訪鸚洲

黃鶴樓乘舟下三十六洞天次應之韻

桃花流水日悠悠閱歷三清下十洲六六洞天開不
盡春來迎送幾人舟

其二

洞號來蘇亦可觀
摩霄赤壁俯青巒
何由移得茲峯
去好作吾鄉勝處看

見鄉書口占寄正兒

鄉山一別夢依依
倦鳥西天鴈亦稀
聞說園花開落
盡如何不待主人歸

謝李進士汝章委訪

少日詩壇百戰酣
中間離合各西南
辛勤鞍馬豐淵
路誰道翁年八十三

金沙

為峯為壑摠無方
尺許蒼松寸許棠
一夜東風峯壑
變老僧閱歷幾滄桑

海棠花

金沙十里海棠紅
不見其根只見叢
最是松林南畔
路一時開放幾丰茸

次竹樓主人

應之

寄示韻

牢騷白髮不禁秋
少壯居然老大愁
三日黃岡方拭
眼十年朱墨各埋頭
遙吟渭北春天句
未放山陰雪
夜舟倦迹新豐非
久計他時更卜
廣陵遊

其二

多君詩禮獨持門而我何曾有志存本為救貧干祿
仕間因多病臥田園小官不是韜名地遺馥徒依講
道村自愧郵筒渾漫筆一樽要與故人論

應之所惠二篇屬意鄭重不可無報既奉和又

疊前韻寄呈

沙翁脚下石堂門儒素文章子獨存陶令賦歸思栗
里長卿病渴臥文園雅懷筆下元無俗晚計壺中別
有村賢季讀書真可羨重逢何日一商論

趙裕叔鎮寬挽

公有同堂我有昆兩家分隊自相親悲懽閱世居常

遠顯晦殊塗契愈敦政喜江湖容宰相誰言朝著少
完人東亭一別仍千古尙記丹藜送至門

其二

家傳喬木篤忠貞 聖世求賢第一名處子心中無
富貴夫人膝下有耆英文章大抵研精好辭受由來
見義明夢罷山窓猶伏枕靈輻不待巨卿行

其三

東湖靈雨洗輕氛一路清風兩岸分
鞞過黃驪悲舊牘講遵白鹿想餘芬
琴書寂寂虛堂月旌翼搖搖古
峽雲猶望魂輿朝暮返倚門鶴髮淚盈裙

金應之挽

少時翰墨場中面十載滄桑劫後身青眼西湖餘白髮重修舊契倍相親

其二

蔭路棲遑不自期名門博識世爭推從知下邑猶民社是以廉平到底治

其三

第一江山第一樓相將好友與之遊聯翩五馬兼三絕缺界何曾有是不

其四

歷歷蓬萊路不遙東歸笙鶴若相招飛棺忽逐雙鳧去倘赴瑤臺劍佩朝

其五

沙翁脚下石堂門儒素文章子獨存偶爾向來成此句到今還似輓君言

其六

去時皂蓋換丹旌那忍遺黎送鞠情獨也詩神清不死鏗然金石有餘聲

其七

廣陵秋雨近黃昏獨憶蒲騷二子言案上遺編酬未

了山齋悄坐賦招魂

其八

依稀顏面樑懸月零落文章麝有香爲我誦傳如昨日梨湖餘淚又黃崗

沈景晦挽 巳巳

少小相從到白紛尋常雅集在詩樽離合年來勞夢想除非郡綬卽林園

其二

寂寞槎翁去後州送君高咏竹西樓蓬瀛咫尺屠龍手不讓當今第一流

其三

却憶新秋問疾辰喜君床褥尙精神居然薤露詩三疊哭送龍門愷悌人

一勝亭次兒輩韻 庚午

五馬低回十載間西麾纔返又南關王侯基業東京夢士女衣章故國顏戍火常傳雲裏暗訟庭惟得雨中閒玉山松桂留餘韻與爾明朝擬共攀

盤龜臺謹次圃隱先生韻

登山臨水尙依然句裏黃花兩岸邊剩使盤龜誇一曲不堪太乙語同年籃輿入洞疑無地楓壁圍欄別

有天隔樹仍瞻遺廟在此翁先我占風烟

歲新倍切家國之戀次文兒琴鶴軒詩韻 辛未

官梅東閣歲重更待漏餘誠望玉京為問青綾今夜

夢龍圖何處拜新榮 文兒拜待教

釜山途中

蓬萊三月日如年馬上行人醉欲眠藹藹山容春正

雨冥冥海氣晝常烟村傳羅俗衣俱白津泊蠻航篚

厥玄為問星輅何所向息波亭下繫樓船

驢通信正使金公世 履喬赴日本

忠義家聲大文章地望高 王靈應有濟使事不言

勞出日三山路祥颯萬里濤可忘壬癸恥劒氣欲衝

霄

光文以閣臣陪 輦至春塘臺承 命賦詩賤

臣適忝銀臺謹步其韻以寓頌祝之忱

日日祥雲繞禁林春臺 仙蹕又天臨小臣昨赴花

魚宴倍切封人祝聖心

俞曼倩挽

生老昇平八十春本之經術措諸身駢花儷葉都刊

落當世文章第一人

其二

少時傾蓋白頭新共入銅龍較更親神德園中紅躑躅公詩猶在世間春

其三

文瀾捲起海東迴雲亦隨君度嶺來飲罷竹西樓上月傍花時送故人盃

其四

峨冠大帶坐頽然不使纖塵到眼前琴几小樓容一榻閒中常對晦翁編

其五

半生潦倒八州符天爵承 恩下大夫 元子宮僚

今復選 先朝曾許說經儒

其六

五老圖成各賦詩臘梅秋菊見鬚眉如今落落晨星散茲會方知盛一時

其七

華泉一壑倍輝光贊我之真記我堂小小赫蹄皆可誦多君開口便成章

其八

一自南來問疾初丹鉛遺託在刪書可憐五十年精力尚有英華這裏餘

其九

三輪世界夢浮休政是梧桐一葉秋送子騎龍天上
去彩毫應記玉京樓

其十

丹旌西指下梧亭菴後松杉便此瑩哭盡人間知己
死年年楓樹幾回青

曾為賦便此菴記

鄭進士景五

奎采挽壬申

圃翁祠下圃翁孫詩酒風流士望存世好仍兼私感
切寒泉 恩額賴誰尊

其二

人生窮達摠由天白首薤鹽正可憐尚記泮中鄉飲
席一時賓介共周旋

李蔚山

廷寅挽癸酉

居然已稅返魂車四事堂前講樹虛橋上老夫長歎
息無人更讀洛閩書

其二

漢湖津筏散如雲盡日招招不見君千載緒言俱寂
寞至今湘浙任紛紜

其三

文繡膏粱不願人達尊還忘自家身非徒學力能為

此泣說當年菽水貧

其四

好去泉臺識父顏
駒城自古卽家山
可憐昔日苦前
草又送王孫不復還

其五

中宸猶記二南治
召杜歸來處處碑
恨未一登園綺
席桂坊剡牘用何時

上元夜兩兒就禁直
獨與諸孫看月 甲戌

偶值立春兼上元
石泉橋畔月黃昏
今宵送爾青綾
直獨把兒孫栢葉樽

其二

一時豹直二難并
內閣春坊世所榮
坐想金蓮歸院
路禁清橋踏月幾詩成

發向壽春官屬稱
大監戲占一律 文兒宰○乙
春川

鬢邊金玉等於僧
分外尊名又一層
今日方知因子
貴前年已得列卿陞
六仙舊號元非儉
八座虛銜且
莫稱滾滾青雲都付爾
此行堪笑老無能

躅石坡嶺

峽山翠律峽川奔
宿霧連空日欲昏
高處方知天地

豁石坡嶺上踏層雲

渡新淵江抵衙

籃輿飛下石坡遷十里新淵江上船剩借卿班休沐
暇好占仙窟起居便樓臺一府排鋪壯山水東關造
化偏別有聞韶高閣在碧梧之後鳳儀前

碧梧軒名
鳳儀山名

昭陽亭謹次王考陶菴先生板上韻

六七十年山水行昭陽今日又題評村西野色千區
錯嶼外灘聲二道鳴地積烟霞偏勝絕天開洞府自
虛明淡中真味懷先躅怙悵江梅待月生

板上有淡
中真味語

聞韶閣次壁上太太守歌

君不聞守是邦者謂之真太守闔境士民知所敬又
不聞太守之父謂之太太守時其飽煖而溫清有閣
深深臥高枕一塵不到琴書淨鳶飛魚躍皆自得鶴
長鳧短各定命不須高下武城弦興到只可詩爲令
酒爲政是知太太守之樂樂於真太守治化付汝操
其柄若可聞韶韶不聞公門百事何喧競獨有青山
宛鳳儀榮桐橐鄂花無病殿最肉絲還多事豈若吾
身養靜吾心正優哉悠哉太太守猶有真宰權江山
風月烟雲魚鳥四時都管領

谷雲九絕 丙子

青嵐西畔碩人邁
鷄犬疎籬六七家
粧點山居何所有
沿溪無數水丹花

右精舍

其二

除却腥氛此洞深
潭心惟有臥龍吟
錦官遺廟知何處
碧草黃鸝自古今

右忠武侯

其三

莫以猖狂小此髡
存髯猶是丈夫身
採薇高節秋江外
生六臣中第一人

右清寒子

其四

家住千山萬水中
角巾藜杖谷雲翁
天倫知己三淵

在指點西林半畝宮

右谷雲翁

其五

誰從木石與爲隣
卿相家門處士身
道義文章姑舍是
高標絕俗大哉言

右三淵

其六

亭顏三一石無言
誰識圖書至妙存
卦象由來源此理
臨風吾欲問羲文

右人文石

其七

噴激層湍撼壑來
如雲如雪又如雷
盤陀老石容人坐
時送輕霏入酒盃

右白雲潭

其八

清隱古臺草欲萋東隣玉峽上雲溪幽人不做高唐
夢自在巖泉杖履携

右神女峽

其九

十里清溪一棧通短筇隨柳淡雲中年年游子尋春
到爲趁蒼崖躑躅紅

右傍花溪

臨歸次谷雲籠水亭用崔文昌紅流洞詩韻

雲樹千重轟轟巒任他要路在人間獨憐當日鴿原
約虛負華陰一半山

送文兒遊楓嶽

送汝金剛去雲山萬二千戒存臨履際珍重九龍淵

昭陽亭觀漲

風花雪月輒登樓雨後觀濤亦壯遊野水濶吞千百
畝峽山遙齧兩三州莫施鷗鷺凌波勢定有魚龍撼
壑愁可是斜陽添霽景一筇徙倚畫欄頭

發向永保亭次趙生爾玄

基升韻 戊寅

不有嘉林會那成永保行江山將了債風日正宜晴
西指安眠島東臨節度營賴君勤護疾在道亦康寧

永保亭

拍拍搖搖永保亭翠翁一去更誰評文章別有湖山

助武畧還教檠戟停火席光奔圓萬月砲機聲震迸
羣星海防游覽良非偶兒輩雙鳧又在庭

林川衙中書示正兒

仲氏餘麻太守兒專城追養亦堪悲纔從湖海南游
路爲趨嘉林一會期適我今行見榮耀是誰所賜感

恩私文兒以閣臣蒙恩暇從行正兒及從子穆山
監光承從孫定山監埴姊子温陽守金魯鍾亦

迎於路上隨之邇來三鼎都過分乃伯東還尙未暮文兒遠
任春川

定山衙中拜歸樂忠肅公祠版

往事辛壬尙何言一體貞忠四大臣只以丹心期報
效竟將碧血訴煩冤無知天道真如綫有限人情幾

不禋官薦牲蘋皆 聖賜從今子子又孫孫

水北亭

水北亭高跨石臺王孫草綠杜鵑哀舊時輦路經千
劫暇日漁舟溯幾回未信山河爲國寶定知樓觀速
天灾三忠已沒嗟何及我欲招招醉一杯

大哉閣浮山煥章閣舊址有大石尤菴書
廟賜自江李文貞疏批中至痛在心曰孝

暮途遠八
字刻之

南城遺恥欲無辭忍過三田渡上碑此地春秋堪一
讀居人猶說暮途悲

洗劒亭觀漲

善身集 卷二
雨後登臨可此亭水聲終日撼虛櫺塵襟滌盡城南
去曉枕猶應寂若聽

天然亭賞蓮

蹇驢再度不嫌忙爲有城西十畝塘千古濂翁真愛
爾至今蓮說口生香

嘗出住小阮江榭戊寅病告又留連於此亦季

秋也見壁上詩追步其韻

此老行窩卽此亭小車時復去還停收心靜界無城
市舉目澄流便戶庭前度巖楓猶未赤重來門柳有
餘青吾頭已雪神如霧不辨漁燈入杳冥

十月九日與諸友上南麓爲再重陽會以倣坡
翁故事酒半以一年三百日應十月再重陽之
對抽黃對白雖無可稱亦足爲老境勝集浮世
佳話遂以此起頭翌日足成爲五絕寄諸公求

和

一年三百日十月再重陽競把茱萸看應知此會長

驢吳侍郎翰源赴燕

謂吾冠帶國許以小中華十二侯邦會無徒上座誇
又草一絕兼驢李書記

去路三千遠歸時七十豪况有杜書記風烟不寂寥



